

Кавушни кўпайтиринглар



09:10 / 31.08.2019 2458

Жобир розияллоҳу анҳудан ривоят қилинади:

«Бир ғазотда эдик. Набий соллаллоҳу алайҳи васалламнинг «Кавушни кўпайтиринглар. Чунки модомики киши кавуш кияр экан, улов минган билан баробардир», деганларини эшитдим».

Муслим ва Абу Довуд ривоят қилганлар.

Шарҳ: Пайғамбар соллаллоҳу алайҳи васалламнинг оёққа кавуш кийишни улов минишга ўхшатганлари икки ҳолатда ҳам инсоннинг оёғи турли озор берувчи нарсалардан сақланиши сабабидан экан.

Ўша пайтда бошқа зарур нарсалар қатори, оёқ кийимлари ҳам етишмаганлиги маълум. Бунинг устига, у пайтда одамлар умуман, оёқ кийими кийишга ўрганмаган эдилар. Ғазот одатдан ташқари турли хавф-

хатарларга тўла тадбир эканлиги ҳеч кимга сир эмас. Ҳозирларнинг саломатлигини эҳтиёт қилиш мақсадида уларнинг бош қўмондонлари – Пайғамбар соллаллоҳу алайҳи васаллам уларни кавуш кийиб олишга чорлаган эканлар.

لَعَنَّا إِذَا لَقِمْ لَسُو هَلْ لَصِيْبِنَّا نَعُوْهُ لَلْأَيُّضَرَّةِ رِيْبَ نَعُوْهُ
وَأَعْيَمَ أُمُّهُ لَعْنُ لَوِ لَأُمِّ شَلْبَابِ أَدْبِيْلَفَ لَعْنُ إِوِ، نِيْمُ لِيْلَابِ أَدْبِيْلَفَ مُكْدَحَ
يَفِ شَمِي الْفَ مُكْدَحَ أَعْسُ شَعَطِقْنَا إِذَا نِيْ أَوْرِي فَوِ. عَرَبُ رَأَالِ هَ أَوْرِي. أَعْيَمَ أُمُّهُ لَعْنُ خِيْل
أَهْلُ صِي يَّ حَ يَّ خِيْلُ

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Сизлардан бирортангиз оёқ кийими кийса, ўнгидан бошласин. Агар ечадиган бўлса, чапидан бошласин. Икковини бирга кийиб юрсин ёки уларни ечиб қўйсин», дедилар».

Тўртовлари ривоят қилганлар.

Бошқа бир ривоятда:

«Қачон бирортангизнинг кавушининг ипи узилиб кетса, то уни тузатмагунча, иккинчисини кийиб юрмасин», дейилган.

Шарҳ: Ушбу ривоятларда мусулмон инсоннинг оёқ кийимини кийиш маданияти баён қилинмоқда.

1. Оёқ кийимини кийишни ўнг оёқдан бошлаш.
2. Оёқ кийимини ечишни чап оёқдан бошлаш.
3. Оёқ кийимининг бирини кийиб, иккинчисини қолдирмаслик, балки кийганда иккисини бирга кийиш.
4. Оёқ кийимининг бирини ечиб, иккинчисини қолдирмаслик, балки иккисини бирга ечиш.
5. Оёқ кийимидан бири яроқсиз бўлиб қолганда битта оёқ кийими билан юрмаслик. Балки олдин яроқсиз оёқ кийимини ислоҳ қилиб, кейин иккисини бирга кийиш.

«Ҳадис ва ҳаёт» китоби асосида тайёрланди.